


www.BibleForChildren.org


Matyu 26



Nyaa
taambak
kaayék nak (6)
yéndu wa Pasova
waanangwa nyaa
yaaké yakwa. Wani
sapak Jisas déku
dunyansale sékét
Betanit yéndarén.
Wani gaayé wan
Lasarusna gaayé wa.
Talimba wani du Lasarus
kiyaandéka Jisas wandéka
nakapuk taamale waarapndén.



Déku nyange
nak léku yé
Maria yéku
yaama yakwa gu
ras kure ralén. Kure
re Jisna maamba
sévitake léku némbat
létéklén. Wunga
yaléka wani yéku
yaama gaamba yaama
yandéka gaamba ran du
akwi vékundarén.



Wani sarak Jisasna du nak déku yé Judas Iskariot,
dé Gotna gaamba jémbaa yakwa dunyanna néma duka
yéndén, Jisas det kwayéke kundi
bulmuke. Ye bulndéka déku
kundi vékute mawulé
yandarén. Yate dat yéwaa
ras kwayéke wa kundi
gindarén. Kundi
gindaka ye det
Jisas kwayéke
yandéka
sarakngé
kaavéréndén.




Wunga wandéka Jisasna dunyan
wandén pulak ye kakému
kururétakandarén. Jisas déku
dunyansale rate kakému karéte bret
kéraae Gorét wandén, "Yéku musé
wa tiyaaménén. Wan yékun wa."
Wunga watake bret bule déku
dunyansat kwayéte wandén, "Ma
kéraae kangunék. An wuna sépé
a." Wunga watake
wain kulak tén
kasnya nak kéraae
Gorét wandén,
"Yéku kulak wa
tiyaaménén."



"Wan yékun wa." Naatake déku
dunyansat kwayéte wandén,
"Guné akwi ani kulak ma
kangunék. An wuna nyéki a. De
wuné viyaandékndaru wuna nyéki
vaakundu guné véte vékusék-
ngangunéngwa. Got du dakwat
yékun yaké wandén kundi wa
sékerék-ngandékwa.
Wuna nyéki
vaakundu Got
némaamba du
dakwa yandarén
kapérandi musé
yasnyéputi-kandékwa."




Jisas Saimon Pitat anga wandén, "Saimon, méné ma véku. Satan apamama yandu guné yaange ye kapma kapma yaréte lambiyakngunéngé mawulé yandékwa. Kakému muni waatandakwa pulak, guné wunga muni waataké wa mawulé yandékwa. Satan guné yaavan kurkwate yandékwa. Yate Gorét waatakundén, dé wunga yandénngé. Wuné Gorét wa waatakuwutén."




"Méno, Saimon, ménéké Gorét wa waatakuwutén,
méné wunéké yékunmba vékulakaménu ména mawulé
kurkale tésékéyakndénngé. Téndu méné wunat kuk
kwayétake sérémaa waambule yaae méné wuna
dunyanna mawulé yékun yaménu deku mawulé
waak kurkale tésékéyak-ngandékwa."

Naandén. Wunga
wandéka Pita dat
anga wandén,
"Néman Du,
wuné ménale
yéké mawulé
yawutékwa."



“Wuné ménale yéte kalapus yakawutékwa wan yékun wa.” Naandéka Jisas dat wandén, “Pita, a vékusékwutékwa. Bulaa gaan séraa waakapuk téndu méné apu kupuk anga wakaménéngwa, ‘Wuné yamba ve wa Jisas.’ Wunga waménu séraa waaké yakwa.” Naandén Jisas Pitat.



Wani kundi watake Jisas déku dunyansale taalé nakét wulaandarén. Wani taaléna yé Getsemani wa. Wamba rate det wandén, "Guné amba ma ra. Wuna yékwa Gorale kundi bulké." Wunga watake Pita, Sebedina nyaan vétik wunga kéraae kure sékét yéndarén. Wunga watake de randaka dé ayélap yépulak naae kápmaamba kwaate Gorét anga wandén, "Wuna aapa, akwi muséké wa apamama yaménéngwa."



"Méné yaaké yakwa
muséké waké mawulé
ye, wa méné waménu
wunéké yaaké yakwa
vakmi wunéké katic
yaké dé. Ménat wunga
waatakuwutékwa. Méné
wuné mawulé yakwa
pulak yaké yambak.
Ménékét mawulé
yaménéngwa pulak ma
yaménék." Naandén.



Wunga véséktake ye wa Romna waariyakwa
dunyansale, polis rasale wunga kéraae sékét
yaandarén wani taalat. Gotna gaamba
jémbaa yakwa dunyanséna néma
dunyan ras, Farisi dunyan ras
waak wani polisét wandaka
yaandarén. Kulaale, viale,
kure téwaayé taake
yaandarén.



Naatake deku du nak Gotna gaamba jémbaa yakwa
dunyanna néma duké jémbaa yakwa duwat viyaate
déku yékutuwa sakuna waan satékyasnyéndéka
vaakérén. Yandéka Jisas vétake wandén,
"Yaak. Guné wunga yaké yambakate."
Naatake wani duna waanmba
kutndéka nakapuk yékun yan.



Jisas wani kundi wandéka dé kulkiye kure yéndarén.
Kure ye Gotna gaamba jémbaa yakwa akwi dunyanna
néma duna gaat kure wulaandarén.

Kure wulaandaka Pita
deku kukmba ye
lakasatiye apakmba
téndén.




Téndéka de wani Jisas kure yén dunyan aatmu
gisangwandéndarén taalémba wulaae yaa
yamungandarén. Yamunge
randaka Pita dele
yaamba randén.



Wunga wandéka dékét Pita waan satékyasnyéndén wani duna kémna du nak wamba te vékundén. Dé waak jémbaa wa yaténdén, Gotna gaamba jémbaa yakwa akwi dunyanséna néma dumba. Vékutake dat anga wandén, "Somba miyé taawundarén yaawimba Jisasale téngunénga ménat wuté vék kapuk?" Wunga wandéka Pita nakapuk wandén, "Yamba yé wa."



Wunga waké
naaténdéka séraa
waan. Wani kundiké
vékulake Jisasét
kuk kwayétake wa
Pita gwaande mawulé
sémbéraa yate
némaamba géraandén.



Wunga ye de wani néma dunyansé akwi waarape Jisas Romna néma du déku yé Pailat, déké kure yéndarén. Wunga wandaka Pailat Jisasét waatakundén,
"Méné Judaséna néma du méné kapuk?"
Naandéka Jisas wa wan,
"Yi. Ménékét ména kapmang wa waménéngwa wunga."

Wamba tékésén du dakwa wunga waandaka


Pailat Jisas baka yéndénngé mawulé yandén.




Ye det nakapuk wandén, Jisas
baka yéndénngé. Wandéka de
kalik yan. Yate némaamba
waate anga wandarén,
"Dé takwemimba ma
baangtaka. Dé
takwemimba ma
baangtaka."




Wunga wandaka Pailat Judana néma
dunyanna kundi vékutake Romna
waariyakwa dunyansat watakandéka
Jisas takwemimba baangtakaké kure
yéndarén. Jisas kure yéndaka dékét
dé baangndara wani takwemi
watakandaka yaatandén. Yaate Judana
néma gaayé Jerusalem taakatake
Duna Maaka Apa
waandakwa taalat
yéndarén. Hibruna
kundimba
wandakwa,
Golgota.



Wani taalémba wa
Romna waariyakwa
dunyansé Jisas
takwemimba
baangndarén.
Du vétik waak
takwemimba
baangndarén.
Nak akituwa
sakumba. Nak
yé kutuwa sakumba.
Témbéréka Jisas
baangndarén takwemi
nyéndémba téndén.



Nyaa naawure kayéndéng téndéka akwi kápmaa gaan
yan. Ye téndéka nyaa yamba ve wa. Kukmba nyaa
tépatékwe daawuliké yaténdéka (3 klok) Gotna kundi
bulndakwa néma gaamba
wani lékitakandarén
sémény laplap nyéndémba
géríke aangé vétik yan.
Yandéka Jisas némaanmba
anga waandén, "Aapa wa,
wuna kwaminyan
ména taambamba a
taakawutékwa."
Watake wunga
kiyaandén.



Yaap yaré nyaa yaaké yandéka
du dakwa wani nyaa musé asé
kururétakandarén. Garambu
yandéka Arimatea du déku
yé Josep wup yamba
yandékwe wa. Yate
Romna néma du
Pailatké yéndén. Dé
Israelna néma du
nak wa.

Dé akwi duna
ménimba yéku
du wa téndén. Dé
waak Got néma du rate
du dakwaké yékunmba
véké yakwa sapakngé wa
kaavéréndén. Dé Jiasna
pusaa kéraamuké wa
Pailatké yéndén. Ye
Pailarét waatakundén,
Jiasna pusaaké.



Wunga wandéka Josep yéku waama
laplap kéraae Jisasna pusaa
lepékwe kure gaaye laplapét
valambatndén. Valambare
kure ye kwaawu nakmba
taakandarén. Talimba
wani kwaawu jémbaa
yakwa dunyan
matumba vaae

wulaandarén.
Josep Jisasna
pusaa wani
kwaawumba
taakatake matu
nak varémane ye
yaambumba
taakatépéndén.



Jisas kiyaandéka kwaae ganmba
Gotna gaamba jémbaa yakwa
dunyanséna néma dunyan,
Farisi dunyan waak
Pailatké yéendarén. Ye
dat wandarén, "Néma
du, wani paapu yan
du wayéka baka
yatéte wandén

kundiké
vékulakanangwa."



Anga wandén, 'Nyaa
kupuk yéndu wuné
nakapuk taamale
waarapkawutékwa.'
Naandén.



Wunga wandéka ye de kwaawumba
taakatépéndarén matumba baangwi
gitake bi pulak musé
taakandarén, du yakélak
paakwe ye wulaakapuk
yamuké. Yatake
waariyakwa
dunyansé rasét
wandaka wani

kwaawuké
séngiténdarén.



Judana yaap yaré nyaa yéndéka
Sande ganmbamba nyaa yaalaké
yaténdéka Makdala taakwa
Maria, Jems ambét
Josepna aasa Mariale
bét Jisasna pusaa
taakandarén taalé
véké yémbérén.
Yétémbéréka
néma

waalé génén.
Géndéka Néman
Du Gotna kundi
kure gaayakwa du
nak Gotna gaayémba
gaayandén.



Gaaye kwaawumba taakatépéndarén
matu varémansatitake wani matu
taakumba randén. Yandéka
wamba tékésén waariyakwa
dunyan néma wup yate
képmaamba vaakére
kiyaan dunyan
pulak kwaandarén.



Wani taakwa vétik ye vémbéréka
Gotna kundi kure gaayakwa du
bérét wandén, "Wup yaké
yambak. Anga wa
vékusékwutéka.
Takwemimba
baangtakandarén du
Jisaské waake véké
wa yaambénén."

Talimba

wandén pulak wa
nakapuk taamale
wa waarapndén. Dé amba yamba
re wa. Ma yaae vémbénu
taakandaka kwaandén taalé.




Wunga wandéka wup yate mawulé
tawulé yate wani taalé yaasékatake
bari pétépété yémbérén, déku
dunyansat wani kundi waké.
Yémbéréka Jisas bérét
yaambumba vétake wandén,
"Béna mawulé yékunmba yénga
téndu." Naandéka dat yaae
kwaati



séte déku maanmba kutte
déké waandé daambérén.





Kukmba Jisasna dunyan tambavétik maanmba
kaayék nakurak (11) kakému karéndaka Jisas deké
yaandén. Yaae det anga wandén, "Taamale
waarapwutéka de wuné vétake wa gunat wandarén.
Kamuké guné deku kundi yamba vékungunéngwe?
Kamuké guné wunéké yamba yékunmba
vékulaka-ngunéngwe?" Naandén.

Néman Du Jisas wunga wandéka kukmba Got
wandéka Gotna gaayét waare néma du rate déku
yékutuha taambamba randén.



Got ani k pmaamba
t kwa du dakwak  n ma mawul 
ye wa d ku nakurak male nyaan t
wand ka gaayand n. Wunga wand n,
d ku nyaanng  y kunmba v kulakakwa
du dakwa kul mawul  k raae dale
y kunmba t p kaa-ndar nng ,
apapu apapu. Katik
lambiyakng 
dar .



Rom 3:23 Wani yaambu wan anga wa. Nané Jisas Kraiské yékunmba vékulakate déku kundiké, "Yi wan wanana wa," naananu, wa Got wandu nané déku ménimba yéku musé yakwa du dakwa tékanangwa. Juda du dakwa, nak gaayé du dakwa, nané akwi kapérandi musé wa yananén. Yate Gorale tékapuk yate apakmba wa ténangwa.

Rom 6:23 Wawutén kundiké vékulakate gunat anga wawutékwa. Kapérandi musé yakwa du dakwat Got wani musé waambule yakatate wandu ani kapérandi musé yaakandékwa. Lambiyakngandakwa. Gorale katik yarépékaké daré. Nana Néman Du Jisas Kraisale nakurakmawulé yatékwa du dakwat, Got ani yéku musé baka kwayékandékwa. De dale yékunmba yarépéka-kandakwa apapu apapu.



Hibru 9:27 Du dakwa kiyaandaru kukmba Got néma kot vékukwa néma du rate deké kundi wakandékwa. Akwi du dakwa nakurak apu male wa kiyaakandakwa.
Got wandu kiyaakandakwa.

Efesus 2:8,9 Wa wawutén. Wan Got gunéké wa sémbéraa yandén. Sémbéraa yate dé gunat yékun yate wa guné kéraandén Satanna taambamba. Kéraandéka guné déké yékunmba vékulakate déku kundiké, "Yi wan wanana wa," naangunénga gunat kulémawulé kwayéndén. Gunat waatakuwutékwa. Guné jémbaa yangunénga dé Got gunat kulémawulé kwayék kapuk? Yamba wa. Got déku kapmang baka wa gunat kulémawulé kwayéndén.

Nané jémbaa ye kulémawulé kéraamunaae, wa nana yé kavérékngatik nané. Got dékét dékun dékun ye wa nanat kulémawulé baka tiyaandékwa. Yandékwanngé vékulakate nana yé katik kavérékngé nané.



Rom 10:9,10 Guné anga wamunaae, 'Jisas Néman Du wa randékwa, akwi du dakwa, musé aséké waak.' Wunga wate guna mawulémba anga wamunaangunu, 'Krais kiyaandéka Got wandéka wa nakapuk taamale waarapndén. Yi wan wanana wa.' Wunga wangunu, wa Got guné kéraakandékwa Satanna taambamba. Kéraae gunat yékun yakandékwa.

Gotna yapaté vékusékte wa wani kundi wanangwa. Nané nana mawulémba Kraiské yékunmba vékulakate déku kundiké, "Yi wan wanana wa," naananga, Got wandéka déku ménimba yéku musé yakwa du dakwa ténangwa. Nak du dakwat anga wanangwa, "Jisas wan nana Néman Du wa." Naanangwa. Wunga wananga Got nané Satanna taambamba kéraae kure yéndéka Gorké yénangwa yaambumba wa yéténangwa.



Jon 3:16,17 Got ani k pmaamba t kwa du dakwak  n ma
mawul  ye wa d ku nakurak male nyaan t wand ka
gaayand n. Wunga wand n, d ku nyaanng  y kunmba
v kulakakwa du dakwa kul mawul  k raae dale
y kunmba t p kaa-ndar nng , apapu apapu.
Katik lambiyakng  dar .

Got d ku nyaan t wand ka wa gaayand n, du dakwa yan
kap remus  kurur muk . Got dat yamba wand kwe wa,
yandar n kap remus  waambule ye kaatand nng .

1 Jon 5:11 Anga wand n, "Wuna nyaan wawut ka wa
daand n. Daae d  gunat kul mawul  kway nd n, gun 
apapu y kunmba rap kangun nng ." Naand n Got nanat.



1 Jon 5:12-13 Gotna nyaanale nakurakmawulé yakwa du dakwa de kulémawulé kéraandarén wa. Kéraae apapu yékunmba rapéka-kandakwa. Gotna nyaanale nakurakmawulé yakapuk yakwa du dakwa kulémawulé kéraakapuk ye, apapu yékunmba katik rapékaké daré.

Jisaské yékunmba vékulakangunéngwa. Vékulakate anga wangunéngwa, "Jisas wan Gotna nyaan wa. Dé nanat kurkale yakandékwa. Yi, wan wanana wa." Wangunénga wa wuné gunéké ani nyéngaa viyaatakawutékwa. Guné kulémawulé kéraae apapu yékunmba rapékaké yangunéngwanngé vékusékgunénngé, wa wuné ani nyéngaa viyaatakawutékwa.



Matyu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Ambulas Bible (abt) © 1996, Wycliffe Bible Translators,
Inc. All rights reserved.

<https://www.bible.com/bible/1006/MAT.1>

©2024 Bible for Children, Inc.

www.M1914.org

www.bibleforchildren.org

